



SIARAN MEDIA

KEMENTERIAN BELIA DAN SUKAN



KBS : 7/2026

RANCANGAN PENDIDIKAN NEGARA (RPN) 2026–2035 ASAS PEMBENTUKAN BELIA BERKUALITI

20 JANUARI 2026

Peluncuran Rancangan Pendidikan Negara (RPN) 2026–2035 oleh Perdana Menteri, YAB Dato' Seri Anwar Ibrahim merupakan langkah penting dalam memperkukuh keseluruhan ekosistem pendidikan negara.

RPN 2026-2035 bukan sahaja memberi fokus kepada pencapaian akademik semata-mata malah, turut menekankan aspek pembentukan sahsiah, nilai, kemahiran insaniah, kepimpinan dan daya tahan diri.

Pendidikan yang kukuh merupakan asas utama kepada pembangunan belia yang seimbang, berdaya saing dan mampu menyumbang secara bermakna kepada masyarakat serta negara.

Penekanan RPN terhadap pembangunan bakat, kemahiran masa depan, penguasaan teknologi digital, kecerdasan buatan (AI), inovasi serta pembelajaran sepanjang hayat ternyata selari dengan keperluan dan kehendak belia masa kini.

Inisiatif ini diyakini mampu menyediakan generasi muda dengan keupayaan berfikir secara kritis, bersifat adaptif dan berani meneroka peluang baharu dalam landskap ekonomi serta sosial yang sentiasa berubah.

Justeru, seiring dengan pelaksanaan RPN, saya mengalu-alukan kerjasama di antara Kementerian Belia dan Sukan (KBS) bersama Kementerian Pendidikan (KPM) dan Kementerian Pendidikan Tinggi (KPT).

Kerjasama strategik ini dapat memberi penumpuan kepada kesinambungan pembangunan belia daripada alam pendidikan ke fasa latihan kemahiran, kepimpinan, kesukarelawanan, keusahawanan serta kebolehpasaran pekerjaan.

Sesungguhnya, kejayaan pelaksanaan RPN 2026–2035 memerlukan komitmen dan kerjasama semua pihak termasuk kerajaan, pendidik, ibu bapa, institusi pendidikan, masyarakat sivil serta golongan belia sendiri.

RPN ini akan menjadi asas kukuh dalam membentuk generasi belia Malaysia yang berkualiti, berdaya tahan dan bersedia memimpin negara ke arah masa depan yang lebih mampan, progresif dan sejahtera.

YB DR. MOHAMMED TAUFIQ JOHARI
Menteri Belia dan Sukan

